



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,  
ordinis Prædicatorum, ac hæreticæ prauitatis Inquisitoris**

**Fumo, Bartolomeo**

**Antverpiae, 1570**

Pigritia.

**urn:nbn:de:hbz:466:1-30427**

possunt, vt res ecclesie, videlicet res sacra, vasa, & ornamenta ecclesie. C. de sacrosanct. eccle. l. sancimus. nisi ecclesia superflua habeat, & necessitas urgeat, & aliunde prouidere non possit ex rebus mobilibus. 10. quæst. 2. cano. hoc ius. & 12. quæst. 2. canon. autum. Item liberi homines obligari non possunt, secundum docto. & qui hominē liberum in pignus accipit, creditum perdit, & aliam tantundem quantitatem tenetur soluere. in authen. vt nulli iudices. §. quia verò. tenet tamen in redempto ab hostibus. C. de ca. & postlim. reuer. l. fin. tamen propter necessitatem famis pater potest obligare filium, & non econtrā. C. de patri. qui fil. distr. per totum. magis enim filius obligatur patri, quā pater filio.

¶ PIGNUS accipere est illicitum tribus modis. Primò, si accipitur ad lucrum, quod non computetur in fortē quia hoc est contra naturalem iustitiam. Secundò, si accipitur in pignus, quod impignorari non potest, vt res ecclesie, & que dicta sunt. Tertio, si apponantur pacta prohibita à iure, vt si fiat pactum, quod si debitor certo die non soluat, pignus trāseat in feudum. ff. de solu. l. Calpodius. & non valet hoc pactum, quia fit fraus legi, valet autem pactum quod amissio pignoris quocunque casu liberet debitorem. C. de pig. ac. l. quæ fortuitis. Item si debitor obligatur ad nō redimendum pignus absolute, vel vsque ad certū tempus sibi præfixum: ar. in ca. precarium. de prec. Item si creditor obligatur ad non vendendum pignus post legitimā interpellationem debitoris. Prædicta igitur in quantum vergunt in damnū creditoris, vel debitoris, sunt contra iustitiam, & in tantū peccata, in quantum proximum damnificant, & iustitiam lædunt: & secundum quantitatem læsionis, pensanda sunt grauia: quia propter læsionem peccata dicuntur, & sunt.

¶ Si creditor bona fide vendat pignus minus quā sit creditum, residuum à debitore repetet: si plus, quod superest dabit debitori. l. fin. C. de iur.

dot. Sic enim iustitiæ seruari videtur æquitas.

¶ PIGNUS per creditorem receptum potest alteri pignori, vt est text. in l. 1. C. si pignus pignori. dat. sit, & ultra tres vices, tenet Angelus in dicta l. prima contra Speculatorem, & bene potest impignorari, & dum alteri impignoratur, nō debet impignorare quis pro maiori quantitate, quā receperit, aliter contra iustitiam facit.

¶ CREDITOR tenetur fructus pignoris computare in fortē, non solum quos recepit, sed etiam quos potuit percipere, si ex sua negligentia nō perceperit, & quod superest restituere debitori: secundū gloss. in c. cum contra eod. tit. & Panor. ibi & Ioan. And. in cap. 1. & 2. de vsu. licet contrariū senserit Hostien. quò ad percipiendos. Verius tamē videtur, quod dicit Cal. videlicet, quod si satisfactum est fortē, tenetur etiam de percipiendis: quia est possessōr malæ fidei, in non restituendo rem. Si verò non est satisfactū, non tenetur, nisi sit in dolo, vel lata culpa: & sic limita. & concor. lib. 1. & 2. C. de pignori. ac. & Doct.

## PIGRITIA.

PIGRITIA qua homo redditur tardus ad exequendum ea, quæ debet, vel metu laboris, vel difficultatis, peccatum est rationi repugnans: aliquando mortale, quando scilicet est circa materiam necessariam: iuxta notata, supra, Negligentia, per totum. Concord. Caietan. in summa, ver. pigritia. Si verò non sit de necessarijs ad salutem animæ vel corporis, veniale erit, nisi aliquid aliud adiungatur, vt præceptum, vel contemptus, & huiusmodi.

## PIRATA.

PIRATAE, id est, latrunculi marini (& non fluuiales) sunt omnes excommunicati, ex processu curiæ, supra, Excommunicatio 13. & omnes sunt in damnationis statu, quia contra iustitiam tale opus exercent. Eorum etiam receptores, auxiliares, cōsiliatores, & fautores sunt excommunicati, secundum Ioan. And. in c. excom.

H 5 mu